

20/02/1997

Langkah Pemuda atasi gejala sosial remaja

PEMUDA Umno sedia mencurahkan komitmen, tenaga dan keringatnya untuk memulihkan imej orang Melayu sebagai bangsa yang ada nilai, akal budi serta hidup berlandaskan budaya Timur dan berpegang teguh ajaran Islam. Ketuanya, Datuk Ahmad Zahid Hamidi, menyatakan perkara itu kepada wartawan BH, Kamal Ahmad.

GEJALA sosial menunjukkan seolah-olah semua pihak hilang kawalan?

Harus ada perimbangan dalam pembangunan fizikal dan pembangunan kerohanian. Pemuda tidak anggap ini sebagai harga atau korban kepada pembangunan. Sebab itu, apabila Perdana Menteri, Datuk Seri Dr Mahathir Mohamad, panggil semua wakil agensi agama peringkat persekutuan dan negeri di Pusat Islam baru-baru ini, ia adalah satu usaha dan keprihatinan kerajaan untuk menanganinya.